



Saksframlegg

Saksnr:	Utval:	Dato
	Formannskapet	

Sakshandsamar:	Sektor samfunnsutvikling og kommunalteknikk	Øystein Sørhaug
	Arkivnr.: 16/268	Klassering:

PSW prosjekt inspeksjonsunit - søknad på næringsfond

Rådmannen sitt framlegg til vedtak

Lindås kommune løyver 150.000 kr til det omsøkte prosjektet «drillpipe inspeksjonsunit».

.....

Saksopplysningar:

Politisk handsaming

Saka skal avgjerast i Formannskapet.

Bakgrunn

PSW Group (PSW) har i fleire år holdt på med vasking/klargjering og inspeksjon av drillpipe på Mongstad. Verksemda har no designa ein spyle- og inspeksjonsunit som opnar for at arbeid på land no kan utførast offshore.

Ein slik unit vil føra til betydelige innsparinger både ift logistikk, tid, kost og økonomi. Det ligg også positive HMS-sider med dette konseptet/prosjektet.

Konseptet er presentert i marknaden og det har blitt godt motteke.

For å komme i posisjon ift markadsetablering er PSW naudt til å produsere ein prototype av eit slikt anlegg. Dette anlegget vil bli testa på land/offshore.

Lukkast testinga tilfredsstillande skal det produserast fleire slike anlegg som skal selgjast i marknaden.

PSW opererer med eit kostnadsbudsjett på 3.349.088 kr. Kostnadsaktivitetane er detaljengineernig, innkjøp/fabrikasjon, samanstilling og igangkjøring/testing.

PSW ber næringsfondet om ei støtte på 200.000 kr (6% av totalkostnadane).

Vurdering

Næringsfondet til Lindås kommune skal spesielt prioritera prosjekt innanfor industriutvikling, kompetanseheving, marknadsføring/profilering og samarbeidstiltak. Vidare skal det vurderast etter skjøn gjennomføringsevne, sysselsettingsbidrag-/effekt, marknadshensyn og konkurranseomsyn. Det er også nokre kapitalgrenser som er satt i retningslinjene til fondet.

I det omsøkte prosjektet vil både industriutvikling og kompetanseutvikling vere viktige poeng. Prosjektet representerer og innovasjon/nyskaping og teknologiutvikling i form av eit nytt marknadstilbod og det vil vera mange rasjonelle grunnar til at kundane skal vera villige til å betala for ei slik løysing.

Strategiane til felles strategisk næringsplan Lindås og Austrheim vil også være relevant for vurdering av støtta:

1. Ny industrireising på Mongstad (nyskaping, entreprenørskap)
2. Ein synleg og tydeleg region (profilering, omdømme)
3. Ein attraktiv bu- og opplevingsregion (reiseliv, turisme, oppleving, landbruk, kultur)
4. Aktivt, positivt vertskap (kompetanseutvikling, entreprenørskap)

Her vil fleire strategiar vere relevant, for eksempel gjeld det ny det som er nedskriven i form av kompetanseutvikling, nyskaping og entreprenørskap – ikkje minst den overordna strategien med ny industrireising på Mongstad.

Interkommunal nærings- og samfunnsplan for region Nordhordland 2016-2025 har definert 4 fokusområder, deriblant næringsliv og innovasjon/gründerskap. Det overordna målet er definert som at næringslivet skal vera nyskapande og robust. Det er ein strategi i planen at ein skal stimulere til meir teknologi- og produktutvikling.

Planen er vedteken av Lindås kommune og fleire av måla og strategiane er passande til det omsøkte prosjektet. Spesielt gjeld dette utvikling av ny teknologi i det å vera robust og inneha konkurransefortrinn.

Den regionale næringsplanen til Hordaland 2013-2017 er også tydeleg på at ein ønskjer enno meir entreprenørskap og innovasjon, herunder fleire gode gründarar og fleire vekstkraftige verksemder. Det betyr i praksis at ein må bidra til finansiering av verksemder i tidleg fase og til utviklingsprosjekt med risiko, som det også står eksplisitt om i planen.

Planen er vedteken av Lindås kommune og det ovanståande vil vera relevant i den samla vurderinga av det omsøkte prosjektet.

Strategisk næringsplan for Bergensregionen er også tydeleg på at rammvilkår til næringslivet er eit sentralt poeng kor det offentlige kan bidra og bistå med å avlaste og redusere prosjektrisiko og tildele økonomiske tilskott. Planen peikar også på innovasjon- og entreprenørskapsatsingar som viktige bidrag for næringsutvikling.

Planen er vedteken av Lindås kommune.

Prosjektet er godt og det er veldig kjekt at verksemder på Mongstad satsar på utviklingsarbeid og sal av ny teknologi som enno ikkje er testa i marknaden.

PSW har sidan 2011 fått utbetalt 810.000 kr frå næringsfondet. Dei har fått desse midlane i konkurranse med andre og fordi prosjektene deira er av god kvalitet. Det er også tilfelle med dette prosjektet. Poenget med kvalitet er viktig all den tid næringsfondet er retta inn som ein konkurransepott som ber om best mogleg søknadar frå næringsaktørar. Det er ingen andre verksemder som har fått så mykje frå kommunen sitt næringsfond som PSW, på den eine sida er det viktig å understreka at verksemda er flinke til å tenkja utviklingsarbeid og prosjektgevinst – mens på den andre sida er det viktig at andre prosjekt og kjem i posisjon. Uansett korleis ein vrir og vendar på det er det begrensningar på disponibel ramme frå kommunen sitt næringsfond.

Etter ei samla vurdering ønskjer Lindås kommune å løyve 150.000kr til det omsøkte prosjektet (4,5%).

Lindås kommune ønskjer lukke til med prosjektet og at støtta kjem godt med!

Kva ligg til grunn for støtta?

- Tilskot må tilbakebetalast viss det ikkje vert gjennomført etter planen – ref retningslinjene. «Etter planen» vil sei foreliggjande søknad til næringsfondet og eventuelle vedlegg.
- I retningslinjene til fondet står det at 50% av tilsagnet kan utbetalast ved oppstart og at resten vert utbetalt når investeringar er i samsvar med søknaden. Det er søker sitt ansvar å dokumentera at investeringar er i samsvar med søknaden for å få utbetalat dei siste 50%
- Får verksemda mediaomtale ønskjer Lindås kommune at det vert opplyst at Lindås kommune har vore med på å støtta prosjektet.
- Det skal leggjast fram rekneskap etter at prosjektet er gjennomført – ref retningslinjene.
- For å betala tilskotet ut på forskot, ber me om å få tilsendt eit kontonummer, dvs. send ein e-post til oystein.sorhaug@lindas.kommune.no og med e-post overskrift «utbetalingsanmodning for [prosjekttittel] og [verksemde]».

Vedlagte saksdokument:

Søknad om tilskot

132892

29.11.2016

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost